

Bosna i Hercegovina  
Federacija Bosne i Hercegovine  
Kanton Sarajevo  
Grad Sarajevo  
Općina Novi Grad Sarajevo  
Općinski načelnik

Broj: 02/12-19-8758/22  
Sarajevo, 01.6.2022. godine

Na osnovu člana 64. stav (1) tačka b) i člana 70. stav (1), (3) i (6) Zakona o javnim nabavkama („Službeni glasnik BiH“, br. 39/14) i člana 14. Pravilnika o nabavci roba, vršenju usluga i ustupanju radova broj: 09-05-26263/15 od 27.11.2015. godine i Pravilnika o izmjenama i dopunama Pravilnika o nabavci roba, vršenju usluga i ustupanju radova broj 02/12-05-10708/18 od 16.5.2018. godine i broj 02/12-45-8834/20 od 02.07.2020. godine, a na preporuku Komisije za javnu nabavku radova, Općinski načelnik donosi:

## **ODLUKU**

### **o izboru najpovoljnijeg ponuđača u predmetu – Izvođenje radova na izgradnji objekta SRC “Zlatno polje” kod OŠ “Sokolje”**

#### **I**

Prihvata se preporuka Komisije za javnu nabavku radova i okvirni sporazum u predmetu – „Izvođenje radova na izgradnji objekta SRC “Zlatno polje” kod OŠ “Sokolje”, broj obavještenja obavještenja 422-1-3-61-3-54/22, objavljeno na Portalu javnih nabavki dana 18.04.2022.godine, Ispravka za obavještenje o nabavci broj TD\_IZM1\_422-1-3-61\_22 objavljeno dana 22.04.2022.godine i u “Službenom glasniku BiH”– Oglasnik javne nabavke broj 25/22 od 22.04.2022.godine, dodjeljuje se ponuđaču „Mibral“ d.o.o. Sarajevo sa ponudenom cijenom za okvirni sporazum u iznosu od 511.976,44 KM bez PDV-a, odnosno 599.012,44 KM sa PDV-om.

#### **II**

Zadužuje se Služba za zajedničke poslove da ovu Odluku objavi na web stranici Općine [www.novigradsarajevo.ba](http://www.novigradsarajevo.ba), istovremeno sa upućivanjem iste ponuđačima koji su učestvovali u postupku javne nabavke, u skladu sa članom 70. stav (6) Zakona o javnim nabavkama, te da nakon isteka žalbenog roka pripremi okvirni sporazum i dostavi Općinskom načelniku na potpis.

#### **III**

Obavezuje se ponuđač iz člana I ove Odluke da u roku od 5 (pet) dana od dana zaprimanja iste, dostavi dokumentaciju traženu tačkom 3.1.3. koja se odnose na član 45. stav (2) tačka od a) do d) Zakona i dokumentaciju traženu u tački 3.3.2. tenderske dokumentacije koja se odnosi na ekonomsku i finansijsku sposobnost. Dokazi koje će dostaviti odabrani ponuđač moraju biti originali ili ovjerene kopije i ne mogu biti stariji od 3 mjeseca, računajući od dana utvrđenog kao krajni rok za predaju ponuda.

### **Obrazloženje**

Odlukom broj 02/12-19-8758/22 od 13.4.2022. godine Općina Novi Grad Sarajevo pokrenula je otvoreni postupak javne nabavke „Izvođenje radova na izgradnji objekta SRC “Zlatno polje” kod OŠ “Sokolje”, broj obavještenja obavještenja 422-1-3-61-3-54/22, objavljeno na Portalu javnih nabavki dana 18.04.2022.godine, Ispravka za obavještenje o nabavci broj TD\_IZM1\_422-1-3-61\_22 objavljeno dana 22.04.2022.godine i u “Službenom glasniku BiH”– Oglasnik javne nabavke broj 25/22 od 22.04.2022.godine.

Zapisnikom o otvaranju ponuda od 09.5.2022. godine Komisija je konstatovala da su u predviđenom roku, u propisno upakovanim kovertama, pristigle tri (3) ponude ponuđača:

1. “Mibral” d.o.o. Sarajevo
2. grupa ponuđača “Flex invest” d.o.o. Sarajevo i “Stanišić” d.o.o. Pale
3. „Sela“ d.o.o. Sarajevo

Zapisnik sa otvaranja ponuda dostavljen je ponuđačima na fax u zakonom predviđenom roku.

Nakon što je Komisija utvrdila da su pristigle tri ponude, pristupila je analizi i procjeni dokumentacije kojom ponuđači trebaju dokazati svoju kvalifikovanost za učešće u ovom postupku.

Komisija je utvrdila da ponuđač "Sela" d.o.o. Sarajevo ne ispunjava kvalifikacioni uslov tražen u tenderskoj dokumentaciji iz tačke 3.4.1. (c) tehnička i profesionalna sposobnost:

– da je ponuđač opremljen neophodnom opremom za obavljanje predmetnih radova: kamion kiper do 10t – 2kom, kamion kiper preko 10t – 2kom, utovarivač – 1kom, bager – 1kom, valjak do 2t – 2kom, valjak 2-6t – 1kom.

Tačkom 3.4.2. (d) propisano je da se navedeno dokazuje na sljedeći način: kao dokaz o obezbijedenosti opreme dostavlja se izvod iz knjige osnovnih sredstava (sa označenom pozicijom tražene opreme) ili ugovor o iznajmljivanju opreme, za kamione se dostavlja važeća saobraćajna dozvola (original ili ovjerena kopija), za radne mašine važeća saobraćajna ili upotrebna dozvola (original ili ovjerena kopija). Ukoliko iz upotrebne dozvole nisu vidljive važeće karakteristike mehanizacije potrebno je dostaviti zapisnik koji to dokazuje.

Uvidom u dostavljenu dokumentaciju ponuđača "Sela" d.o.o. Sarajevo utvrđeno je da ponuđač ne ispunjava uslove iz navedene tačke tenderske dokumentacije jer nije dostavio dokaz o obezbijedenosti opreme tražene naprijed navedenom tačkom i to za jedan valjak do 2t. Ponuđač je na stranici 59.ponude dostavio upotrebnu dozvolu za jedan valjak do 2t uz ugovor o poslovno tehničkoj saradnji o najmu građevinske mehanizacije, dok je na stranici 56.ponude dostavljena upotrebna dozvola za vibracioni valjak bez zapisnika o stručnom nalazu koji dokazuje tražene karakteristike.

Iz naprijed navedenog razloga utvrđeno je da ponuđač "Sela" d.o.o. Sarajevo ne ispunjava uslove tražene u tenderskoj dokumentaciji iz tačke 3.4.1. (c) – tehnička i profesionalna sposobnost te je ponuda odbačena shodno odredbama člana 68. stav (4) tačka i) Zakona o javnim nabavkama.

Komisija je pristupila analizi i procjeni preostalih ponuda, te utvrdila da dostavljene ponude ispunjavaju formalno-pravne i kvalifikacione uslove tražene u tenderskoj dokumentaciji Komisija je izvršila računsku kontrolu ostalih ponuda te utvrdila da su dostavljene ponude računski ispravne.

Shodno naprijed navedenom Komisija je utvrdila preliminarnu rang listu ponuđača, a prije provođenja e-aukcije, i to kako slijedi: 1. „Mibral“ d.o.o. Sarajevo sa ponudnom cijenom za okvirni sporazum u iznosu od 511.976,44 KM bez PDV-a, 2. grupa ponuđača "Flex invest" d.o.o. Sarajevo i "Stanišić" d.o.o. Pale sa ponudnom cijenom za okvirni sporazum u iznosu od 516.356,38 KM bez PDV-a.

Tenderskom dokumentacijom u tački 1.5.5. i 5.5. predviđeno je provođenje e-aukcije, te je u skladu sa Pravilnikom o uslovima i načinu korištenja e-aukcije („Službeni glasnik BiH“, br. 66/16) zakazano održavanje e-aukcije na Portalu javnih nabavki BiH za dan 01.6.2022. godine sa početkom u 10:00 sati. Nakon okončane e-aukcije za predmetnu nabavku, a na osnovu Izvještaja o toku i završetku e-aukcije broj postupka 422-1-3-61/22 od 01.06.2022.godine, Komisija je utvrdila da nije bilo podnošenja ponuda te da konačna rang lista ponuđača koji su mogli učestvovati na e-aukciji izgleda kako slijedi:

1. „Mibral“ d.o.o. Sarajevo sa ponudnom cijenom za okvirni sporazum u iznosu od 511.976,44 KM bez PDV-a
2. grupa ponuđača "Flex invest" d.o.o. Sarajevo i "Stanišić" d.o.o. Pale sa ponudnom cijenom za okvirni sporazum u iznosu od 516.356,38 KM bez PDV-a.

Shodno naprijed navedenom Komisija je donijela preporuku za zaključenje okvirnog sporazuma za predmetnu nabavku sa ponuđačem "Mibral" d.o.o. Sarajevo.

Imajući u vidu da je Komisija u cijelosti pravilno provela postupak i da je izbor ponuđača izvršen u skladu sa Zakonom o javnim nabavkama, podzakonskim aktima i tenderskom dokumentacijom, to se prihvata preporuka Komisije za javnu nabavku radova, te je shodno odredbama člana 64. stav (1) tačka b) Zakona o javnim nabavkama odlučeno kao u dispozitivu.

#### **Pouka o pravnom lijeku:**

Protiv ove Odluke može se izjaviti žalba Uredu za rmatranje žalbi BiH putem ugovornog organa u roku od 10 (deset) dana od prijema Odluke. Žalba se podnosi u pisanoj formi u dovoljnom broju primjeraka u skladu sa članom 99. i 101. Zakona o javnim nabavkama.

#### **DOSTAVITI:**

1. Ponuđačima u postupku
2. Služba za zajedničke poslove
3. Komisija za javne nabavke radova

